

vnd sieden lassen auff zwölff stundt / allweg gemacht hernach gossen / so wirdt der Mercurius hart werden / dieser soll durch ein subtyl leder gedrückt werden / was dahinden bleibt / das solle gebraucht werden / wie hernach folget :

## S E Q V I T V R C L A V I S .

**N**un nimb Weißgebranten Tartar vnd blawen Vitriol, ana ein pfundt gemein Saltz ein vierting / darauß brenn ein Wasser durch einen Cucurbit, diß Wasser löset das  $\odot$  auff.

Nimb des oben zugerichten Mercurij, vnd klein gefeylts Goldts ana sechs loth / nimb sie beide zusammen auffß kleinest gerieben / thues in einen Cucurbit darauß gieß des obgemeldten Wassers / zeuchß durchß Feuer fein lind ab / vnd gieß das abgezogene Wasser wider daran / das thu / biß das Wasser alles auff dem  $\odot$  vnd Mercurio bleibet / darnach gieß ein frisches Wasser darauß / vñ zeuchß ab biß auff ein halben theil / vnd treibß starck mit dem Feuer / so steigt das  $\odot$  mit sampt dem Mercurio herüber / verstehe / es muß per latus nach der seiten distillieret werden / so istß alles ein Del worden / vnd ist ein Delische Tinctur auff Luna vnd mit großem nutz / vnd wisse / das du nach Cabalischer Constellation diß Werck solt arbeiten.

## Lunæ in Solem transmutatio.

**N**un nim diß Del / thu solchs in ein reinen Cucurbit, leg darein sehr dünn geschlagen silber blechlein / laß darinnen sechs stunden stehen / so werden sie zum besten  $\odot$  in allen Proben bestendig. Vnd ich sage dir / das diese Delische Tinctur ein sehr schnell durchtringende Höllisch Feuer ist / du kanst frische Silberblechlein darinnen widerumb brauchen.

## C O R O L L A R I V M A uß Salomone Trismosino, So ein Tinctur auff die Venerem, auff Lunam.

**N**imb zwey loth  $\mathcal{C}$  / ein loth  $\mathcal{C}$  / zwey loth Mercurium Sublimat, den  $\mathcal{C}$  vnd Mercurij Sublimat, thu in ein glastolben / die Lunam solvier in fünf loth. Aq. Fort vnd geuß auff die andern zwey stück / zeuchß auff vnd ab zwey mahl in äschen allwegen halb / darnach setß es in ein Balneum daß das Wasser vber den Helm steigt / nimb die herüber gestiegen Materiam vnd gieß wider vber dritthalb loth  $\mathcal{C}$  / zeuchß aber auff vnd ab in äschen auff den halben theil / vnd gieß wider daran zum andern mahl /  
darnach